

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0043670 20
Zenica, 21.12.2020. godine

OPĆINSKOM SUDU U TEŠNJU
-Sudiji za prethodno saslušanje-

Na osnovu člana 45. stav 2. tačka i), člana 241. stav 1. ZKP-a FBiH, p o d i ž e m

O P T U Ž N I C U

Protiv:

ARSLANI SANELA, iz Tuzle, osuđivan više puta za krivična djela iz člana 287. KZ FBiH, iz člana 359. KZ FBiH, iz člana 358. KZ FBiH, iz člana 232. KZ RS,

što je:

dana 20.06.2020. godine, oko 18,15 sati, na području općine Doboj Jug, s ciljem pribavljanja protivpravne imovinske koristi, došao do porodične kuće vlasništvo D. H., koja se nalazi u mjestu Mravići, ušao u dvorište gdje se nalazilo parkirano putničko vozilo marke „VW“ tip IT model Touran, sive boje, reg. oznaka, vlasništvo oštećenog D.H., prišao istom i kada je uočio da je vozilo otključano i da se u istom nalazi ključ u bravi za stavljanje vozila u pogon, iskoristio nepažnju i odsutnost vlasnika, sjeo u navedeno vozilo, stavio ga u pogon i istim se odvezao u pravcu Zenice i dok se vozio magistralnim putem M-17 u mjestu Nemila, za njim je krenulo policijsko vozilo sa upaljenom rotacijom, kojem se pridružio i policijski kombi sa upaljenim rotacionim svjetlima, a po prijavi vlasnika da je vozilo marke „VW Touran“ otuđeno, a koja policijska vozila su ga pokušala zaustaviti, korištenjem zvučnih i svjetlosnih signala, na koje naredbe o zaustavljanju se oglušio, te nastavio vožnju do mjesta Hece, grad Zenica, gdje se isključio sa puta M-17, nakon čega je izašao iz vozila i pobjegao u obližnju šumu, gdje je od strane policijskih službenika lišen slobode i priveden u službene prostorije PS Centar, oštetivši na taj način vlasnika D. H. za iznos koji prelazi 500,00 KM,

dakle, tuđu pokretnu stvar oduzeo drugom s ciljem da njenim prisvajanjem pribavi sebi ili drugom protivpravnu imovinsku korist,

čime je učinio krivično djelo krađa iz člana 286. stav 1. KZ FBiH.